

Nibio Ullensvang

5781 LOFTHUS

Trondheim, 13.05.2019

Dykkar ref.:
[Dykkar ref.]

Vår ref. (bes oppgitt ved svar):
2017/3302

Sakshandsamar:
Pål Foss Digre

Miljødirektoratet endrar løyve til innføre svart soldatfluge (Hermetia illucens)

Miljødirektoratet endrar vilkåret i løyve til Nibio Ullensvang av 2. mai 2017 om at egg, larver og vaksne individ av svart soldatfluge (*Hermetia illucens*) som ikkje skal brukast i forskning må destruerast. Egg, larver og vaksne individ kan også vidareformidlast til Invertapro AS.

Vi viser til brevet vårt til Nibio Ullensvang av 2. mai 2017 og til kontakt med Invertapro AS v/ Marie Rødsten Sagen.

Miljødirektoratet ga i vedtaket av 2. mai 2017 Nibio Ullensvang løyve etter forskrift om fremmede organismer § 6 til å innføre 2000 larver av svart soldatfluge (*Hermetia illucens*). Det det var sett som eit vilkår ved løyvet, at NIBIO egg, larver og vaksne individ som ikkje skal brukast til forskningsformål skal destruerast.

Invertapro AS v/Marie Sagen har i ettertid tatt kontakt med Miljødirektoratet med spørsmål om dei kan kjøpe eksemplar av svart soldatfluge frå NIBIO. Invertapro ønskjer å bruke arten for kommersiell produksjon av protein til oppdrettsbransjen. Invertapro har gjeve ei detaljert beskriving av korleis produksjonen skal gå føre seg. Invertapro ønskjer at vi skal endre løyvet til NIBIO slik at det opnar for at dei kan selje overskotsindivid vidare til dei.

Miljødirektoratets vurdering

Etter forvaltningsloven § 35 kan ei styresmakt endre sitt eget vedtak, dersom endringa ikkje er til skade for nokon vedtaket rettar seg mot eller direkte tilgodeser. Vi legg til grunn at ei endring som opnar for at overskotsindivid kan formidlast vidare til Invertapro AS ikkje vel vere til skade for NIBIO Ullensvang.

Ein føresetnad for at vi kan endre vedtaket er at vedtaket etter endringa fortsatt ligg innanfor det forskrift om fremmede organismer § 6 gir rom for. Vi kan etter denne paragrafen ikkje gje løyve dersom det er grunn til å tru at innførselen vil medføre vesentlege uheldige følger for det biologiske mangfaldet.

Invertapro har beskrive at det alltid vil vere minst to dører/flugenett mellom produksjonen og utemiljøet. Dei opplyser samtidig at arten har ei nedre grense for overleving på 10-16 grader, og at arten dermed ikkje kan etablere seg i norsk natur.

Ut i frå eksisterande kunnskapsgrunnlag legg Miljødirektoratet til grunn at det er liten risiko for at eit sal av svart soldatfluge skal frå NIBIO Ullensvang til Invertapro vil føre til at insektet etablerer seg i norsk natur. Vi kan derfor heller ikkje sjå at endringa vil føre til at det er grunn til å tru at innførselen vil føre til vesentlege uheldige følger for det biologiske mangfaldet. Ut i frå at eit vidareasal ikkje vil påverke risikoen nemnande, finn vi heller ikkje grunn til å endre vurderinga av at vi bør gje løyve. Vi endrar difor løyvet slik at NIBIO kan vidareseleje overskotseksemplar til Invertapro AS.

Vedtak

Med heimel i forvaltningsloven § 35 første ledd bokstav a og forskrift om fremmede organismer § 6 gjer Miljødirektoratet om vilkåret i vedtak av 2. mai 2017 om at egg/larvar/vaksne individ av svart soldatfluge (*Hermetia illucens*) som ikkje lenger skal brukast til forskingsformål må destruerast. Som alternativ til destruksjon, kan egg/larvar/vaksne individ som ikkje trengst til forskingsformål vidareformidlast til Invertapro AS. Dei andre delane av vedtaket gjeld fortsatt.

Dette vedtaket kan klagast til Klima- og miljødepartementet innan tre veker etter at dette brevet vart motteke, jf. forvaltningsloven §§ 28 og 29. Eventuell klage skal sendast til Miljødirektoratet.

Helsing
Miljødirektoratet

Dette dokumentet er elektronisk godkjend

Yngve Svarte
avdelingsdirektør

Bjarte Rambjør Heide
seksjonsleiar

Kopi til:
INVERTAPRO AS

Øvre Langhaugen 23

5709

VOSS